

餘慶縣志

陳銘典題

南表行

地 360.47

42



18017

教育部圖書館

昭

龔

來

許

彭澤歐陽穆顯

二十六年徵集之書

民國二十六年
五月廿一日

臍

臍

序

嘗考三墳五典記三皇五帝之書八索九邱載八澤九州之志朝代興替有鑑可稽山川名勝按圖可考要皆畧而不詳等而不實究不若誌乘之詳明且卷世華崇實者也然何以誌誌誌者記也省誌焉有府誌焉有縣誌焉而曰誌其建設之沿革氣候之寒暖災祥之妖異物產之豐蓄以及文人墨士世家巨族忠臣孝子節婦義夫莫不條分縷析如文獻星輝傳故具載焉耳銘詞曩昔治軍粵桂官游楚黔靡不徵求縣誌省察風土民情凡道政齊禮奉為圭臬丙子春余奉命率餘於開衡視軍檢閱冊籍即搜求舊有縣誌竟杳若黃鶴遍訪遺賢耆老所存如秦火一炬僅得藏於孔壁中之斷簡殘篇而矣隨召集紳耆討論知民十八九年間中央通令各縣續修縣志南脫稿而匪慮頽仍赤共竄擾東之高樓未付割割今秋狼烟已靖理宜謀諸印刷已成完履庶無缺憾余守此土時逢其會竭力勸導俾告厥成敢不敏而叙諸端倪以誌不忘云耳

餘慶縣長陳銘識



貴州餘慶縣志卷一 序

原叙
事僅作於始固未見其為功事不成於終不惟前功盡棄將一世以及萬萬世漫漫長夜日
處于草昧而不自知矣吾人生居近代將前人所未竟者而卒成之亦踐土食毛範圍內應
盡之事夫何日空千古調然自以為功哉粵餘慶縣志初編於康熙五十二年繼編于民國
十六年推原厥始未嘗無作也甲戌秋予奉命宰餘公之暇向地方人士取縣志溯讀僉曰
縣志固有惜僅就原本未諸閣尚未付之剞劂耳予乃奮然起商之前後財政局長曾崑山
張世祺文獻委員長汪紫樞教育局長曾仁宇及男女校校長湯續丞黃旭東等釀成資金
將民十六編就原篆入省覓書局搨印去後製訂漢裝四冊別類分門有奈不索前人有聲
將含笑於九泉而喜吾輩為之卒竟厥功矣後之君子問世而出肯以續緒榮名獨讓吾輩
展之也耶爰為叙之以待再續其後者

民國二十四年乙亥春知餘慶縣事鳳城才之王天生謹叙

貴州餘慶縣志卷一

序二

二

鑒者叙

簪人上繼千古下開千古中載天地人物治亂災祥磊磊落落如日月皎然雖游夏復生不
能進退一詞者史也然有史必有志無志不成史故夫志也者不志則已志則上下千古關
係綦重志之為用顧不大且久乎稽餘慶縣志創於清康熙五十二年可謂上繼千古者也
民十六雖云續修惜事未靖以致下開千古於願不啻今者王公才之以師干之資踵諸大
夫之後來宰餘邑鑒夫既有繼往不為開來後之人將無所據爰糾起地方縉紳人士將民
十六未竟之功赴諸來梨葺裝以藏厥事籌畫中以修飾重負下畀於予愧不敏曷堪任焉
祇以風虎雲龍莫容却楚猿衣冠亦不自計前之君子上繼千古已不我知當不我咎後之
君子下開千古勿以螳背擬我是亦幸已

序三

民國二十四年乙亥春清己酉科選拔歷任川湘黔縣知事清溪楊玉潤謹識

凡例

一本志書共裝訂四冊採用續修貴州通志草例連雜志一項別分一十九門
一本志書天地人物災祥治亂皆以民十六時局為止故內中如貞女節婦尚有現年若干
歲之記載餘可類推

一在民十六以前未有之事至民十七以後乃有之者不一而足學校一門如高小女學武
備一門如保衛團縣指揮部及區隊各中分隊風土一門如方物中之銀耳因未及載
一民十六志稿編成將赴刻因事未果繼後頻年多故未暇續編今所印者因至十六年止
一本志書一十九門內分類

輿地志山川 河道

建置志沿革 城池 公署 公所 郵寨場市 驛傳 關津 郵局 電局

前事志

秩祀志上祀 中祀 羣祀 附寺觀

食貨志戶口 田賦 關釐 經費 蠲恤 積貯

職官志官制 文職官表 武職官表

貴州餘慶縣志卷一 凡例

學校志學宮 學制 學額 書院 義學 學堂

選舉志制科 文進士表 武進士表 文舉人表 武舉人表 拔貢表 副貢表

武備志兵制 國防 保甲 警察

風土志氣候 風俗 方言 方物

經業志林 礦 商 工

宦蹟志

鄉賢志德行 政舉 文學 志義 制兵死事名氏表 民兵死事名氏表 隱逸

烈女志節烈 節烈名氏表 貞孝 賢明

藝文志

古蹟志

耆壽志

土司志苗蠻附

雜志目無門類可歸而有事實可稽故入雜志以備查考

汪紫禔

里人李先斗纂輯

毛肇顯

清溪楊玉潤校訂

張明權

己故

提倡續修士紳

曾崑山

經理完竣士紳方賢忠

胡永清

曾啓芳

湯續丞


黃旭東

陸大中

藥

尾

圖全縣慶餘



圖例

	縣
	鎮
	路
	河
	界

續修餘慶縣志輿地志第一

疆域圖說

二十六年徵集之書


毛筆題集

餘慶地跨烏江為楚蜀往來必由之要道原注府志面積南北廣四十里東西長二百里前明迄清龍溪一帶均為黃平屬地治理頗為糾紛自民國三年一經劃撥龍溪小腮各地始為餘屬不惟治理上減少繁難而學校實業諸要政亦使於舉行矣(附圖)

餘慶縣疆域轄境分界

- 東至偏橋八十里
- 西至瓮安西堰七十里
- 南至黃平一碗水二十里
- 北至石阡馬湖堰六十里
- 東南至黃平梭洞四十里
- 東北至石阡萬彭司七十里
- 西南至龍泉花水一百九十里
- 西北至湄潭牛齒田貳百里

貴州餘慶縣志卷一



距省城三百六十里 距首都五千一百二十里 蔣志

東至石阡府界三十里

西至瓮安縣界五十里

南至黃平州界二十五里

北至湄潭縣界一百八十里

東南至鎮遠府施秉縣界三十里

西南至黃平界四十一里

東北至石阡府界五十五里

西北至瓮安縣界五十五里 通志

餘慶四至準地勢而論似當以餘慶縣舊將志為的惟所載四隅謂西南至龍泉縣花水一百九十里或恐誤蓋餘慶瓮安壤地相連並在平越之北其自餘慶東境折迴而南則為黃平一州之境龍泉縣自在餘慶之北無緣越過此三州縣地而為餘慶之西南也故當從志至黃平界為近是又黃平州境雖當餘慶之南却未能更迤邐而西直蔽平越北境以云為餘慶西南者恐仍未的當此以平越州界為確也平越志

計康熙五十四年八月清廷派西洋費大員內務府雙郎協同繪畫輿圖繪文里數計開於左

東自縣城至平息舖十二里平息至老渡十里老渡至紫蓋關十里接施東縣界
南自縣城至新村舖十里新村至一碗水十里一碗水至龍洞舖十里龍洞舖至龍坡十里接黃平州界

西至縣城至玉虛洞七里玉虛洞至中關十里中關至小腮十三里小腮至狗場十里狗場至岑黃驛十里岑黃至岩門渡十里岩門至箐口十里箐口至餘慶司二十里餘慶司至爛口哨五十里接湄潭縣界

北至縣城至巴家寨二里巴家寨至滿溪五里滿溪至龍林五里龍林至官莊五里官莊至駕溪五里接石阡府界

南北袤四十里 東西廣二百一十里 蔣志

又按餘慶現時環境以前所載四至西北兩面頗相脗合查南出十二里即黃平屬之第六區大坪何得由縣城四十里抵及龍坡始接黃平縣界東出平息舖十二里即非餘慶所屬又何得必越紫蓋關總接施東縣界抑或康熙時繪圖所載地名多誤姑辨存之

貴州餘慶縣志卷一

六

山川

翠屏山 在城東北二里列嶂如屏峰巒作翠

舊志八景翠屏晚照山在縣之東列嶂如屏每當天色晴霽夕陽而下時返景流空石壁草花皆成霞彩山麓牧唱樵歌迤邐歸來殊為可聽

翠巒山 在城東南三里突起一峰後抱一嶺有路最險山頂有玄武廟山下則新村橋之水繞焉一名翠蘿因以上多古樹四時蒼翠如綠蘿附木故名舊志

中華山 在縣南十里山高約五六里山頭望黃平施東等處瞭若指掌上多茂林密樹時虎嘯猿啼山下碧水環流前峯古剎六月凝寒每至雨久山中起霧即晴土人以此卜晴焉據舊志八景兩峯晴雨即中華夢我兩山也中華山在縣治南峰巒高聳密樹陰森萬壑雲霾山容幽黯每逢雨久若有一片晴嵐冉冉浮空而上雲時霽色天開土人以此卜晴夢我山在縣治北高峯特巒嶺有懸崖屹立萬仞每逢天旱若山頂石覆先雲則雨立至土人於此卜雨諺云南山霧晴北山霧雨即此

玉笏山 在縣西八里萬峯聳起形如朝笏上有羅公廟舊志玉笏朝天為八景之冠
夢我山 在縣北五里高峯特聳山頂懸岩壁立土人相傳曾有仙人修煉於上每晴見生

雲即雨無有不驗舊志

金龜山 在縣西八里山形如龜首尾是背俱具龜首插入牛場河下流回顧縣城不掉上
有水佛寺今圯即縣城鎖水口處

按舊志八景金龜鎖水因縣之水口有山如龜首尾四足皆具其首逆而上前一石穴俗傳
曾有異物盤踞其中為土人楊正嘉將藥箭射死石穴上峭壁數仞間生石瓦望之如紅雲
霞錦堆積高起以高杆拭之散落水面形如苔衣載藝文志

牛塘山 在縣東北八十里高三十餘里山頂有犀牛塘廣數畝水四時不涸上構石殿
出雲表環殿皆古木蒼蔚其樹高者不過丈許蓋山高風勁冬夏恒積故枝葉不能凋發
也山頂望見鎮遠石阡思南三府

舊志八景牛塘積雪牛塘山在縣治東北高三十里古木蒼蔚風勁氣寒冬夏積雪不消
每於天晴氣朗望之若銀屏之掛空中亦奇景也

鳳凰山 在縣治東北三里形如鳳凰故名

九龍山 在縣西二十五里地名西堰危峰排列其中特聳一峰湧出龍泉泉中出魚巨
口細鱗美逾他產舊志

貴州餘慶縣志卷一

玉屏山 在盤溪之南形如玉屏即餘慶司之主山也山下有大石特立如人旁有數石稍
卑皆如人形塚待故又名石人山舊志

官山 在縣東三里巡撫郭公子章捐買此山為餘邑禱寓寔之所其山廣袤數十里
藝者強半邑人名為地石塔上携有上齊天生舊志

太平山 即縣治之主山俗名太平園舊志

龍背山 在縣東二里舊志

天台山 在縣西北最高險頂有古刹舊志

雷坡山 在縣西北十五里懸崖峭壁時有風聲如雷因名焉

鬼洞山 在縣西十五里連雷坡山舊志

赤土山 在縣南二里其土皆赤舊志

暮落山 在縣南五里舊志

鬚霧山 距城西四十里形如鬚魚層巒聳翠上掃雲霄四時有霧籠其上亦奇觀也

獅子山 在縣西四十五里舊志

高筆山 在縣西五十里形如文筆舊志

筆架山 在五雲山西北舊志

羅漢岩 在城西四十五里陡起石壁形如刀截中有石穴現一石羅漢眉目宛然不亞人工雕鑿舊志

喇叭山 在城西五十里平原突起一山形如喇叭高約二百餘丈中有崖穴風吹發聲如喇叭焉

岩門山 兩岩對峙如門鳥江經其中距縣城七十里岩腰腹突出一泉潺湲不絕灌漑岩門一帶良田萬餘畝

朱家山 即朱家園在鉄廠後舊志

普陀山 在關興填下場口上有川主廟四面皆水山獨聳立田中下有小溪環繞

猴子十二山 山脉來自箐口龍塘山到此結圓峰十二山頂若起烟霧必降霖雨昔人名為十二仙下有控斷山因堪輿家以其地勢太雄恐人葬此後出草寇故將山脉控斷距關興填九里

貴人上馬山 其形如馬側有貴人山勢如上馬堪輿家呼為貴人上馬在箐口三十里

八人抬轎上 脉由關興填主山而來前有小圓山四後有小圓山四中有一山特立如轎

貴州餘慶縣志卷一

八

遠視儼如八人抬轎在箐口四十里

官營山 其形如椅四面俱岩惟三路可上中有土台一俗名將台上有貴人山高拱關興填又有水井一昔人曾設哨兵於上距關興填五里

五鐘山 在城西百四十里高三百餘尺危峰特立如金鐘墜地中有洞可入山側一塘其深莫測碧水澄清魚躍可愛明末處士鄒大賢結廬其側

拾隱山 在盤溪之南不甚高而奇峰怪石特為幽秀前賢彭維琨讀書其間舊志

拱辰山 在盤溪之北其山正拱北辰峰壑秀美上有五顯祠昔有五顯讀書其上諸士黎方聲登士弘王之翰等從遊焉舊志

盤魚山 在盤溪之南形如盤魚盤溪之名由此舊志

仙峰山 在龍家填十里一名楊仙峰相傳有仙人居其上故名即楊永年結廬於此

皮鼓十二山 在縣西一百二十里其下即皮鼓填

但家山 距龍家填十八里舊志

紗帽山 在龍家填一里即龍家填之主山也一在沙子壩後漢之右岸其形如帽

飛鳳山 距餘慶司八里在石土地之下形如飛鳳故名

伏龍山 距餘慶司七原名因龍山前為馬亭濤後為下鷲水其形如龍伏地因此命在冠子山 即伏龍山之對山也四面均懸崖前清咸同間鄉紳張玉亭築營於其上

白馬山 距縣西一百四十里與老鷲岩之山麓相接其形如馬故名
劍刀山 距月亮岩十里石峯高聳不草木有如劍刀之形明中丞郭子章經此同命曰劍刀山

牛石山 在暗河右岸距餘慶司五里其形似牛
大隘門山 在龍家埧之南相距約里許其山多怪石如牛如馬者不一中有一石如人形人以石和尚呼之左右均為懸崖兩山夾立如門中通小徑為梁家渡往來必經有一夫當關萬夫莫開之勢

他山 距松烟舖三里有地曰蒲村在柳湖右岸上多奇石明巡撫錢邦芑避孫可望之亂隱於其中鐫刻他山兩大字於石又刻明少保錢開少放歌處於其旁其他家命名均刻有字詳藝文志他山記他山賦

按舊志八景柳湖晚烟在他山之下中有柳樹數百株大可合抱晚露垂珠如風繞繞流螢現晚乳燕差池儼然一幅畫圖焉

賓山 在蒲村即他山之對山也土人以他山為主故呼此為賓音怒

髮冠山 在三教堂距松烟舖十里
青龍山 在民同場之東居縣城之北距城十餘里其地特產多出桐茶為餘也之冠

筆架山 在同興場之對面其山石壁峭立儼如筆架下有獅子坂蒼松賜茂清風侵骨每遇夏日村人多藉憩息

崇萬山 在縣治之東距城七十里其地土肉深厚多產楊梅

穆姬山 距松烟舖東北四里俗名毛鷄山山形如旗綿亘數里與六郎相距十六七里東面對峙相傳崇寶之妻桂英曾營其上

橫擔山 斜接松烟舖龍家埧而橫卧於新田沙碛之間者曰橫擔山廣不過數里綿表則數十里山腰有路為松龍必經之道

香爐山 在松烟舖東南形圓如香爐遠近皆見昔人曾建古廟於其上為苗亂時所毀故平重建觀音廟一所以避土匪

金獅山 在五區靈官場距松烟舖八里距縣城一百六十里山不甚高其形如獅上有古寺一取名銅鼓前清縣令莊鼎元曾題一聯云山名金獅藉大吼一聲悟到佛門宏首寺

稱銅鼓直上追千載永壽漢相奇勳

象鼻山 在玉虛洞側其形如象鼻被郭巡撫呼為老鼠山楊氏祖墓多葬於此俗云為老鼠冠制楊氏終不顯

復龍山 在草坪後距縣治西二里又名二到坪坪中為楊氏祖墓相傳有楊桂香者述其風水以錢三百千買仙人山又名仙人展袖及遷其祖而葬之遷時有紫荊藤如碗大雲網尸身開棺視之面色如生及移棺見棺底有水轍中有紅魚二一飛至玉笏山左側之蒲扇山一飛入桐子山之落關塘

鹿子山 在縣西一百五十里龍家墳之北其山出煤礦兩礦煤之一礦間有土人開採因係難窩煤或有或無或開或止又燒煤之家稀少不能行銷故雖有煤礦數處至今無人採辦

雙燈山 在龍家墳之南距縣城一百四十里形如馬燈高聳特立反正時近地居民築寨以避匪焉

木魚山 在縣西一百四十里龍家墳場後小山橫立確肖木魚

蚌壳山 距龍家墳十里在楊仙峯墳止形如蚌壳

貴州餘慶縣志卷一

十

白虎山 在下堰堤距松烟舖二里其山形如伏虎回顧松烟場

蟠龍會寶山 地名山茶距松烟舖八里

三星山 在他山之北其山之高不知幾千百丈其下群山環拱巍然三山排列自遠觀之有若三台星登巔一覽眾山皆小

花石頭山 在縣西百五十里其山不甚大上多數丈之紋石各現清白黑色儼如繪畫

馬鞍山 馬鞍山有二一距餘慶司十里在石土地之右其形似鞍因此命名一在松烟舖西北三星山之麓其山腰於光緒年間突出一穴湧水數尺是夜風雨大作有巨蟒從中出經過四五里冲壞碾房二座至落水洞即止後月餘農人經過落水洞臭氣難聞有膽大者冒入觀之見死蟒伏其內拾骨數挑鄉人以此充龍骨焉

九龍山 在鰲溪下流右岸距馬亭溝六里頂建觀音廟一座每逢二六九月男女入山燒香者不下千人

石笋山 在岩門東南距城七十里高數十丈其形如笋

馬頭山 距縣六十八里在岩門東北

在岩門之西

假角山 距城七十里在岩門之南

木根坡 在烏江左岸山勢險絕為湘蜀要路中有羊場係前明巡撫郭公子章捐修

小溪坡 在盤溪右岸驚水渠中突一土山所產斑竹甚大

烏龜石 在岩門東南距縣城七十里其形似龜故名

龍頭石 在後場填南十五里烏江龍口河中

虎掌石 在後場填西五里鷹嘴岩道間

羅漢石 在馬亭溝下觀音廟之前方

觀音岩 一名馬蹄岩距餘慶司五里上有觀音廟一座

響水岩 在跳蹬河上流此岩壁立數十丈水由岩面傾瀉而下如懸空之瀑布擊石有鐘鼓聲故名

老虎岩 距松烟舖十里其形如虎上有觀音廟每至二六九會期男女入山燒香者絡繹不絕

長岩 在盤溪右岸距馬亭溝五里即紙廠之上也

老鷹岩 在岩門西北

貴州餘慶縣志卷一

土

燕子巖 距城七十里在岩門東北

白岩 在石土地之上距餘慶司十里

老林岩 在馬亭溝即冠子山之對山也該處多產桐栳

獅子岩 獅子岩有二一在後場填東二里一在餘慶司場北三里即瓜瓢山之對山也

月亮岩 距縣西百四十里圓頂高聳均作白色儼若月形下結一山若牛形名放牛坪與飛鳳山毗連溪搭一石為深紅色寬寸許長三尺餘形同寶劍人以殺牛劍名之

天子岩 在縣西百六十里聳立水口河畔形勢高大各山俱拱其下

將軍岩 與天子相對四面俱石壁特立上有觀音廟側有藤大如碗藤能引岩中之水由上而下其水有一人足供一人有數人亦足供數人不得餘流在縣西一百五十里

川洞嶺 山形如馬四面之岩如截惟首尾可上中有穿洞僅可行一人前有一山獨立如倉後有一山如轎俗名轎頂山右有一山如虎名出小虎每遇亂時民人多往其上在縣西一百四十里

分水嶺 距縣一百八十里界連涇潭嶺之陽瀑出一泉流入涇潭二水均不甚大嶺陽流入餘慶之泉至江家窩滙綠塘溝下三豐水丁家溝大龍塘兩滙水下屯軍苗至泥填橋

漚溝繁密灌溉良田頗多至石漕水合鳳泉屬朱村之水下合口塘與界溪上渠之水合

流 青松嶺 即伏龍山之頂與雷公坪相峙其地多產青桐楸蜡桐棗在盤溪下流馬亭溝之

間 枇杷嶺 在松桐鋪東南距縣一百五十里

火石崗 距縣城一百六十里在縣之西數峰羅列一岩橫亘望之儼若屏障其上即涓屬

分界處 老鴉坪 在石牛山之左即馬亭溝右岸與困龍山相峙山無草木日有烏鴉數百羣集其

上 大坪 大坪有二一在馬亭溝水井灣之一在長岩其地桐楸梧甚多

水清物 距關興渠數里與鳳泉屬之南二區交界下通思南石阡鳳泉河道上達遵義綏

陽涇潭各屬地界為關興渠防守之要隘 土地物 在小腮場及小烏江之間為餘至筑之分路處

欄物 在桃花渠為到馬亭溝必經之地

貴州餘慶縣志卷一

桃源堤 在柳湖之上舊志 仙人墩 亦曰三星墩在烏江岩門渡大石三塊高丈餘方圓四五丈橫亘江中土人相傳

有仙人欲於此造梁故呼為仙人墩舊志 古老墩 在岩門西南四面陡絕其形如鼓

龍塘三岔 在白楊渠距松烟鋪五里 天鵝抱蛋 在縣西百四十里形圓如蛋上有一山如鵝若從天降故名

笑天龍 其形如龍首嘴鼻俱備石味中有水流響入腹頭面向天在縣西百四十里 威靈洞 在筆架山之下洞內石筍林立無奇不有

白馬洞 在白馬山之腰距頂三十丈臨窩一深不可測有石梯數十級直達其內相傳昔 一仙人常居于此迷信者歲時往祭冀免水雹之患

香口三洞 在涼風哨場二里許其洞形如品字內可住數百人前清咸同間苗匪叛亂居 民均入此以避之

汪家洞 在縣西五十里有清泉自內流出並有石乳下垂如龍如雞或如小山廣約數畝 前清咸同苗叛居民賴以避亂